



MØTEPROTOKOLL

Utval: Formannskapet
Møtedato 31.08.2023
Møtetid: Kl. 15:00 - 19:15
Møtestad: Biblioteket på Bjørkheim

Av 9 medlemmer møtte 9, inkludert varamedlemmer.

Desse medlemmene møtte:	Parti:
Jon Magne Borgevik	Ap
Shirin Kvernes Khadoor	Ap
Knut Harald Frøland	Bl
Lena Tveit	Bl
Odd Arne Haga	Frp
Gunn Totland Moss	KrF
Øyvind Strømmen	MDG
Øyvind Røen	Sp

Desse medlemmene møtte ikke:	Parti:	I staden møtte:	Parti:
Martin Haugen	Bl	Anja Elisabeth Gjerde Markhus	Bl

Ugild:	Sak:	I staden møtte:	Merknad:
Knut Harald Frøland, Bl	056/2023	,	

Møtenotatar:

Andre som var til stades på møtet:

- Ove Sæbø, rådmann
- Karl Viken, kommunalsjef økonomi og organisasjon
- Edith Oma, kommunalsjef helse og omsorg
- Irene Ullensvang, kommunalsjef oppvekst
- Jan Erik Boge, rådgjevar
- Joachim Mathisen, næringsutviklar (under orientering om arbeidet med strategisk næringsplan)
- Morten Ask, Statens vegvesen (under orientering om KVV E134 Arm til Bergen)
- Matti Torgersen, Vestland fylkeskommune (under orientering om KVV E134 Arm til Bergen)
- Wilhelm Lund, Vestland fylkeskommune (under orientering om Fv. 49 Steinsdalen – Eikedalen)
- Pål Kårbø, E134 Hauklivegen AS (under orientering om E134 Hauklivegen)
- Arild Røen, Høgre (under orienteringane om KVV 134 Arm til Bergen, Fv. 49 Steinsdalen – Eikedalen og E134)

Orienteringar i møtet:

- KVV E134 Arm til Bergen v/Morten Ask (Statens vegvesen) og Matti Torgersen (Vestland fylkeskommune)
- Fv. 49 Steinsdalen – Eikedalen v/Wilhelm Lund (Vestland fylkeskommune)

- E134 Haukelivegen v/Pål Kårbø (E134 Haukelivegen AS)
- Strategisk næringsplan v/næringsutviklar Joachim Mathisen

Møteleiar:	Knut Harald Frøland
Møtesekretær:	Jan Erik Boge

Desse sakene vart handsama:

Sakliste

Sak nr.	Arkivsak	Sakstittel	Merknad
050/2023	23/714	Godkjenning av innkalling og sakliste	
051/2023	23/714	Faste saker	
052/2023	23/485	Høyringsuttale til NOU 2023:9 Generalistkommunesystemet	
053/2023	20/146	Avtale om administrativ vertskommunesamarbeid mellom Bjørnafjorden kommune og Samnanger kommune om interkommunal legevakt og legevaktsentral	
054/2023	23/630	Søknad om økonomisk støtte til N.K.S. Veiledningssenter Vest	
055/2023	19/303	Tilslutning av nye deltakarkommunar til Bergen og Omland Friluftsråd	
056/2023	21/789	Søknad frå Lønnebakken Grendelag om ekstra midlar til asfaltering av multibane	
057/2023	22/300	Offentleg ettersyn av detaljregulering for Aldalen akvakulturanlegg i Lønningdal	
2023D03	23/714	Presentasjonar frå møtet	

SAKNR. 050/2023: Godkjenning av innkalling og sakliste

31.08.2023 Formannskapet:

Handsaming i møtet:

Øyvind Røen (Sp) orienterte om at han under sak 051/2023 ønskte å stilla nokre spørsmål om notata om bemanning og sjukefråvær som låg ved møteinnkallinga.

Jon Magne Borgevik (Ap) viste til sak 057/2023, og spurde kvifor denne saka stod på saklista. Ordførar Knut Harald Frøland (Bl) orienterte om at han hadde bedt administrasjonen om å få denne saka opp til handsaming.

Innkallinga og saklista vart samrøystes godkjent.

FORM- 050/2023 Vedtak:

Innkalling og sakliste vert godkjent.

Rådmannen sitt framlegg til vedtak:

Innkalling og sakliste vert godkjent.

SAKNR. 051/2023: Faste saker

31.08.2023 Formannskapet:

Handsaming i møtet:

Vask av kommunehuset, sett fram av Odd Arne Haga (Framstegspartiet):

Det må utførast vask av fasadene på kommunehuset snarast råd. Dersom det ikke er midler i vedlikeholdsbudsjettet tas midlene fra disposisjonsfondet.

Kantslått, sett fram av Odd Arne Haga (Framstegspartiet):

Det må gjennomførast kantslått langs alle kommunale vegar umiddelbart. Dersom det ikke er midler på vedlikeholdsbudsjettet tas midlene fra disposisjonsfondet.

Eventuelle merknader til protokoll frå førre møte:

Ingen merknader.

Orienterings-/referatsaker:

KVU E134 Arm til Bergen

Morten Ask (Statens vegvesen) og Matti Torgersen (Vestland fylkeskommune) orienterte. Kopi av presentasjonane deira følgjer som vedlegg til møteprotokollen.

Fv. 49 Steinsdalen – Eikedalen

Wilhelm Lund (Vestland fylkeskommune) orienterte. Kopi av presentasjonen hans følgjer som vedlegg til møteprotokollen.

E134 Haukelivegen

Pål Kårbø (E134 Haukelivegen AS) orienterte. Kopi av presentasjonen hans følgjer som vedlegg til møteprotokollen.

Vidareutdanning for rådmannen

Ordførar Knut Harald Frøland (Bl) orienterte om at rådmann Ove Sæbø ønskjer å ta vidareutdanning ved NHH (studiet/programmet Brytningstid). Denne utdanninga vil ha ein kostnad på 47 000 kroner. Ordføraren orienterte om at han ikkje har fullmakt til å godkjenna dette sjølv, og han bad derfor om godkjenning frå formannskapet. Formannskapet slutta seg til at rådmannen får høve til å ta denne vidareutdanninga.

Status for fleirbrukshallprosjektet

Ordførar Knut Harald Frøland (Bl) orienterte om status for arbeidet i prosjektgruppa, og om arbeidet med områdeplanen for Bjørkheimsområdet.

Strategisk næringsplan

Næringsutviklar Joachim Mathisen orienterte og bad om innspel frå formannskapet. Kopi av presentasjonen hans følgjer som vedlegg til møteprotokollen.

Rådmannen orienterer:

Orientering ved rådmann Ove Sæbø:

- **Skifte av krisestøtteverktøy.** Det nye krisestøtteverktøyet RAYVN, som vil vera felles for staten og alle kommunane i landet, blir sett i drift 1. oktober 2023. RAYVN erstattar då det noverande krisestøtteverktøyet CIM.
- **Vasslekkasje og vasskade i kommunestyresalen.** Vasslekkasjen skjedde 12. og 13.08.2023. Kostnad for reparasjon av golvet i salen er førebels rekna til om lag 175 000 kroner inkl. mva. Blir truleg ikkje dekkja av forsikringa på bygget.
- **Planprogram for kommuneplanen sin samfunnsdel.** Framlegget til planprogram har no vore ute på høyring. Saka vil snart koma til vidare politisk handsaming.
- **Skogbrann i Rolvsvåg i juni.** Brannvesenet vil truleg gjera ei evaluering i oktober 2023. Rådmannen vil koma tilbake til saka etter dette.
- **Brannstasjon.** Informasjon om status for arbeidet i arbeidsgruppa.
- **Planprogram temaplan landbruk.** Planprogrammet vil truleg koma til politisk handsaming i mars 2024.

Orientering ved kommunalsjef oppvekst, Irene Ullensvang:

- Irene Ullensvang, som starta i kommunalsjefstillinga 01.08.2023, presenterte seg sjølv og orienterte om bakgrunnen sin. Ho orienterte òg om kva ho vil vera spesielt oppteken av i kommunalsjefstillinga.

Orientering ved kommunalsjef helse og omsorg, Edith Oma:

- **Bemanning pleie og omsorg i Bjørnafjorden kommune.** Edith Oma viste til notatet om bemanning og sjukefråvær i pleie og omsorg som låg ved møteinnkallinga, og orienterte om at ho no også hadde fått bemanningstal frå Bjørnafjorden kommune for Luranetunet og Fusa bu- og behandlingssenter.
- **Privatpraktiserande fysioterapeut.** Orientering om status for prosessen med tildeling av avtaleheimel for ny privatpraktiserande fysioterapeut.
- **Ny omsorgsbustad i Reistadliane 41.** Bustaden er snart klar for innflytting. Firmaet som skal bemanna bustaden har i sommar kome med ny pris, som er høgare enn det kommunen betalar i dag (om lag 3,6 millionar kroner høgare per år). Kommunen vil få refundert noko av denne kostnadsauken frå staten.
- **Aldersgrense SAPT-avtale.** Edith Oma viste til saka om SAPT-samarbeidsavtale som kommunestyret handsama 20.04.2023 (kommunestyresak 032/2023). Ho orienterte om at det no er klart at det likevel ikkje vil bli innført aldersgrense på 70 år for dette tilbodet.

Orientering ved kommunalsjef økonomi og organisasjon, Karl Viken:

- **Økonomirapportering (økonomisk status).** Kort informasjon om økonomisk status på drift og investering så langt i 2023, og om prognose for heile 2023.

- **Budsjett 2024.** Orientering om status for budsjettarbeidet, og om tidsplanen og prosessen vidare.
- **Kommunebarometeret 2023.** På kriteriet Økonomisk situasjon er Samnanger vurdert som nummer 41 av 365 kommunar, og som nummer 6 av kommunane i Vestland. På kriteriet Kostnadsnivå er Samnanger vurdert som nummer 248 av 356 kommunar.
- **Tilskot til lokalt transporttilbod for ungdom.** Kommunen har fått tilskot på 90 000 kroner til lokalt transporttilbod for ungdom i 2023. Dette vil administrasjonen truleg koma nærmare tilbake til i kommunestyret 14.09.2023.

Spørsmål:

Bemanning i barnehagane, skulane og pleie og omsorg

Øyvind Røen (Sp) viste til notata om bemanning og sjukefråvær som låg ved møteinnkallinga. Han spurde om administrasjonen vil gå nærmare inn i tala og gjera kvalitative undersøkingar. Rådmann Ove Sæbø svara og orienterte om dette. Etter dette var det ein diskusjon i formannskapet knytt til bemanning og sjukefråvær m.m.. Rådmannen og kommunalsjefane svara i samband med dette på spørsmål frå medlemmene i formannskapet.

Kantslått på kommunale vegar og fasadevask på kommunehuset

Odd Arne Haga (Frp) viste til framlegga til vedtak om kantslått langs kommunale vegar og vask av fasadene på kommunehuset som han hadde lagt inn i Møteportalen. Ordførar Knut Harald Frøland (Bl) spurde om Odd Arne Haga i staden kunne melda desse forslaga inn som interpellasjon(ar) til kommunestyret. Odd Arne Haga orienterte om at dette vil vera i orden for han. Det vart ikkje røysta over framlegga som Odd Arne Haga hadde lagt inn i Møteportalen.

Samrøystes vedtak.

FORM- 051/2023 Vedtak:

Orienterings-/referatsaker vert tekne til orientering.

Rådmannen sitt framlegg til vedtak:

- Orienterings-/referatsaker vert tekne til orientering.

SAKNR. 052/2023: Høyringsuttale til NOU 2023:9 Generalistkommunesystemet

31.08.2023 Formannskapet:

Handsaming i møtet:

Høyringsuttale til NOU 2023:9 Generalistkommunesystemet, sett fram av Knut Harald Frøland (Bygdalista):

Norge er eit langstrakt og mangfaldig land som krev kommunar som er tilpassa landet, og som gjer tenester der folk bur. Det er i kommunane me lever liva våre- kommunane støtter oss frå vogge til grav. Generalistkommuneprinsippet har hatt stor betydning for at innbyggjarane kan ha gode liv, og

er ein suksess som bør fortsetje.

Småkommunar har på dei fleste områder like føresetnad som store kommunar til å gje god kvalitet i tenestene. For mykje fokus på kommunesamanslåing som alternativ løysing har me erfart skaper stor uro i ein kommune og er skadelege for god styring av kommunen. Og det tilslører at dei fleste problem i ein kommune kan løysast gjennom god politisk styring, god leiing og god fagkompetanse hos dei tilsette.

Kva treng ein småkommune for å lukkast?

- God politisk styring, god leiing og god fagkompetanse hos dei tilsette.
- Fokus på openheit i politiske og administrative prosessar. Openheit gjer tillit, tillit gjer demokratisk styrke.
- Eit rettferdig inntektssystem, tilpassa kommunestorleiken.
- Kompensasjon for naturressursar som blir avsett til storsamfunnet.
- Lokalaviser som rettar eit kritisk lys mot politisk styre og tenestekvalitet.
- Godt samarbeid med Statsforvaltar, Fylkeskommune, nabokommunar, næringsliv etc.
- Attraktive kommunesenter
- Gode oppvekstvilkår
- Bustader og arbeidsplassar
- Ekstra støtte frå sentrale myndigheiter i spesielt krevjande situasjonar.

Kva styrkar har ein småkommune?

- Kan gjennom tverrfagleg samarbeid kompensere for små fagmiljø.
- Koronakrisa har vist at ein liten kommune raskt får oversikt og raskt kan ta riktige grep.
- Kan arbeide målretta med å utlikne sosiale forskjellar, td. nedkjemping av relativ fattigdom, einsomhet.
- Kan ha interkommunale samarbeid som styrkar kommunen, til dømes innafor renovasjon, landbruk, brannvesen, IKT etc

Framlegg til høyringssvar, sett fram av Øyvind Strømmen (Miljøpartiet Dei Grøne):

Samnanger kommune sluttar seg til utvalet sine vurderingar av generalistkommunesystemer er under aukande press, stør utvalet si tilråding om å halda på generalistkommunesystemet og deler utvalet si vurdering av at oppgåvedifferensiering mellom kommunane ikkje er tilrådeleg.

I samband med kommunereformen for nokre år sidan vart det gjennomført ei rådgjevande folkerøysting i Samnanger kommune, der eit klårt fleirtal ynskte at Samnanger framleis skal stå som eigen kommune. Samnanger kommune vil difor uttrykka ei uro over at utvalets fleirtal peiker på større kommunar som det tiltaket som best opprettheld generalistkommunesystemet, og vil peika på at små kommunar på dei fleste område har dei same føresetnadene for å lukkast med å gje god kvalitet i tenestene.

Samnanger kommune sluttar seg derimot til utvalet sine tilrådingar når det gjeld endra statleg styring, med redusert detaljstyring og ei meir aktiv tilretteleggjarrolle for at alle kommunar skal kunna vareta lovpålagte oppgåver.

Som utvalet peiker på kan små og spesialiserte tenester som krever eit visst fagmiljø vera utfordrande i mange kommunar. Samnanger kommune deler samstundes utvalet si vurdering av at det ville vera lite treffsikkert å flytta slike oppgåver vekk frå kommunane, då det vil påverka både kommunane sitt breie oppgåveansvar og den folkevalde styringa.

I møte med denne utfordringa vil interkommunale samarbeid ofte vera ei god løysing. Gode

samarbeid på tvers av kommunegrenser vil vera naudsynte også frametter, og kan bidra til å løysa mindre kommunar sine utfordringar knytt til kapasitet og rekruttering av rett kompetanse.

Det kan samstundes vera fleire utfordringar knytt til slik samarbeid, blant anna kan dei gjera det vanskelegare å gjera politiske prioriteringar på tvers av oppgåver og tenester, og det kan gje mindre gjennomslagskraft og sveikka demokratisk styring og kontroll. Samnanger kommune sluttar seg utvalet si vurdering av at faste, langsiktige samarbeid med faste partnarar kan gjera det enklare og betre å samarbeida, og sluttar seg til utvalet si vurdering av at ein samarbeidsmodell særleg tilpassa slike samarbeid også bør vera lovheimla.

Samnanger kommune vil også understreka viktigheita av tilstrekkelege og føreseielege økonomiske rammer, i form av frie inntekter, for ivaretaking av generalistkommunesystemet. Både eit rettvisst inntektssystem tilpassa kommunestorleiken og kompensasjon for naturressursar som vert avsett til storsamfunnet er viktig for dette.

Sak 052/2023: Høyringsuttale til NOU 2023:9 Generalistkommunesystemet, sett fram av Øyvind Røen (Senterpartiet):

Noreg er eit langstrakt og mangfaldig land som krev kommunar som er tilpassa landet, og som gjev tenester der folk bur. Det er i kommunane me lever liva våre – kommunane støttar oss frå vogge til grav. Generalistkommuneprinsippet har hatt vore svært viktig for at innbyggjarane kan ha gode liv, og er ein suksess som bør halda fram.

Småkommunar har på dei fleste område like gode føresetnader som store kommunar til å gje god kvalitet i tenestene, og generelt er innbyggjarane minst like nøgde med tenestene i mindre kommunar. For mykje fokus på kommunesamanslåing som alternativ løysing har me erfart skaper stor uro i ein kommune og er skadelege for god styring av kommunen. Og det tilsyrer at dei fleste problem i ein kommune kan løysast gjennom god politisk styring, god administrativ leiing og god fagkompetanse hos dei tilsette.

Det er eit viktig demokratisk prinsipp at nye kommunesamanslåingar kjem frå folkedjupet, og det er ei overkøyning av lokaldemokratiet om staten også i framtida legg opp til eit straff- og belønningssystem for å tvinga fram større kommunar.

Kva treng ein småkommune for å lukkast?

- God politisk styring, god leiing og god fagkompetanse hos dei tilsette.
- Openheit i politiske og administrative prosessar. Openheit gjev tillit; tillit styrkjer demokratiet.
- Eit rettferdig inntektssystem, tilpassa kommunestorleiken.
- Kompensasjon for naturressursar som vert nytta av storsamfunnet.
- Lokalaviser som rettar eit kritisk lys mot politisk styre og tenestekvalitet.
- Godt samarbeid med Statsforvaltar, fylkeskommune, nabokommunar, næringsliv etc.
- Attraktive kommunesenter.
- Gode oppvekstvilkår.
- Bustader og arbeidsplassar.
- Ekstra støtte frå sentrale styresmakter i spesielt krevjande situasjonar.

Kva styrkar og mogelegheiter har ein småkommune?

- Liten avstand mellom innbyggjarane og dei folkevalde; dette styrkjer demokratiet.
- Tenester nær folk. T.d. vil pasientar få plass på den lokale sjukeheimen, i staden for å risikera å verta plasserte i ein annan del av ein storkommune.
- Kan gjennom tverrfagleg samarbeid kompensera for små fagmiljø.
- Koronakrisa har vist at ein liten kommune raskt får oversikt og raskt kan ta riktige grep.
- Kan arbeida målretta med å utlikna sosiale skilnader, t.d. ved å setja i gang tiltak mot relativ

fattigdom og motverka einsemd.

- Kan ha interkommunale samarbeid som styrkjer det kommunale tenestetilbodet, til dømes innanfor renovasjon, landbruk, brannvesen og IKT.

Fellesframlegg, sett fram av Øyvind Strømmen (Miljøpartiet Dei Grøne):

Samnanger kommune sluttar seg til utvalet sine vurderingar om at generalistkommunesystemer er under aukande press, stør utvalet si tilråding om å halda på generalistkommunesystemet og deler utvalet si vurdering av at oppgåvedifferensiering mellom kommunane ikkje er tilrådeleg.

I samband med kommunereforma for nokre år sidan vart det gjennomført ei rådgevande folkerøysting i Samnanger kommune, der eit klårt fleirtal ynskte at Samnanger framleis skal stå som eigen kommune. Samnanger kommune vil difor uttrykkja ei uro over at utvalets fleirtal peiker på større kommunar som det tiltaket som best opprettheld generalistkommunesystemet, og vil peika på at små kommunar på dei fleste område har dei same føresetnadene for å lukkast med å gje god kvalitet i tenestene. Det er eit viktig demokratisk prinsipp at nye kommunesamanslåingar kjem frå folkedjupet, og det er ei overkøyring av lokaldemokratiet om staten også i framtida legg opp til eit straff- og belønningssystem for å tvinga fram større kommunar. Små kommunar har også føremoner i form av liten avstand mellom innbyggjarane og dei folkevalde og tenester nær folk.

Samnanger kommune sluttar seg derimot til utvalet sine tilrådingar når det gjeld endra statleg styring, med redusert detaljstyring og ei meir aktiv tilretteleggjarrolle for at alle kommunar skal kunna vareta lovpålagte oppgåver. Det må blant anna innebera å leggja til rette for gode samarbeid mellom kommunane, statsforvaltar og fylkeskommunar.

Som utvalet peiker på, kan små og spesialiserte tenester — t.d. renovasjon, brannvesen og IKT — som krev eit visst fagmiljø vera utfordrande i mange kommunar. Samnanger kommune deler samstundes utvalet si vurdering av at det ville vera lite treffsikkert å flytta slike oppgåver vekk frå kommunane, då det vil påverka både kommunane sitt breie oppgåveansvar og den folkevalde styringa.

I møte med denne utfordringa vil interkommunale samarbeid ofte vera ei god løysing. Gode samarbeid på tvers av kommunegrenser vil vera naudsynte også frametter, og kan bidra til å løysa mindre kommunar sine utfordringar knytt til kapasitet og rekruttering av rett kompetanse.

Det kan samstundes vera fleire utfordringar knytt til slikt samarbeid, blant anna kan dei gjera det vanskelegare å gjera politiske prioriteringar på tvers av oppgåver og tenester, og det kan gje mindre gjennomslagskraft og svekkja demokratisk styring og kontroll. Samnanger kommune sluttar seg utvalet si vurdering av at faste, langsiktige samarbeid med faste partnerar kan gjera det enklare og betre å samarbeida, og sluttar seg til utvalet si vurdering av at ein samarbeidsmodell særleg tilpassa slike samarbeid også bør vera lovheimla.

Samnanger kommune vil også understreka viktigheita av tilstrekkelege og føreseielege økonomiske rammer, i form av frie inntekter, for ivaretaking av generalistkommunesystemet. Både eit rettvisst inntektssystem tilpassa kommunestorleiken og kompensasjon for naturressursar som vert avsett til storsamfunnet, er viktig for dette.

Handsaming:

Knut Harald Frøland (BI) orienterte innleiingsvis om at han trekte framlegget han hadde lagt inn i Møteportalen før møtet.

Etter innleiande diskusjon i formannskapet, foreslo Knut Harald Frøland eit gruppemøte der Øyvind Strømmen og Øyvind Røen utarbeidde eit felles framlegg til vedtak.

Etter gruppemøtet sette Øyvind Strømmen og Øyvind Røen fram eit felles framlegg til vedtak. Dette

innebar at framlegga dei hadde lagt inn i Møteportalen før møtet, vart trekte.

Fellesframlegget til Øyvind Strømmen og Øyvind Røen vart samrøystes vedteke.

FORM- 052/2023 Vedtak:

Samnanger kommune sluttar seg til utvalet sine vurderingar om at generalistkommunesystemer er under aukande press, stør utvalet si tilråding om å halda på generalistkommunesystemet og deler utvalet si vurdering av at oppgåvedifferensiering mellom kommunane ikkje er tilrådeleg.

I samband med kommunereforma for nokre år sidan vart det gjennomført ei rådgevande folkerøysting i Samnanger kommune, der eit klårt fleirtal ynskte at Samnanger framleis skal stå som eigen kommune. Samnanger kommune vil difor uttrykkja ei uro over at utvalets fleirtal peiker på større kommunar som det tiltaket som best opprettheld generalistkommunesystemet, og vil peika på at små kommunar på dei fleste område har dei same føresetnadene for å lukkast med å gje god kvalitet i tenestene. Det er eit viktig demokratisk prinsipp at nye kommunesamanslåingar kjem frå folkedjupet, og det er ei overkøyring av lokaldemokratiet om staten også i framtida legg opp til eit straff- og belønningssystem for å tvinga fram større kommunar. Små kommunar har også føremoner i form av liten avstand mellom innbyggjarane og dei folkevalde og tenester nær folk.

Samnanger kommune sluttar seg derimot til utvalet sine tilrådingar når det gjeld endra statleg styring, med redusert detaljstyring og ei meir aktiv tilretteleggjarrolle for at alle kommunar skal kunna vareta lovpålagte oppgåver. Det må blant anna innebera å leggja til rette for gode samarbeid mellom kommunane, statsforvaltar og fylkeskommunar.

Som utvalet peiker på, kan små og spesialiserte tenester — t.d. renovasjon, brannvesen og IKT — som krev eit visst fagmiljø vera utfordrande i mange kommunar. Samnanger kommune deler samstundes utvalet si vurdering av at det ville vera lite treffsikkert å flytta slike oppgåver vekk frå kommunane, då det vil påverka både kommunane sitt breie oppgåveansvar og den folkevalde styringa.

I møte med denne utfordringa vil interkommunale samarbeid ofte vera ei god løysing. Gode samarbeid på tvers av kommunegrenser vil vera naudsynte også frametter, og kan bidra til å løysa mindre kommunar sine utfordringar knytt til kapasitet og rekruttering av rett kompetanse.

Det kan samstundes vera fleire utfordringar knytt til slikt samarbeid, blant anna kan dei gjera det vanskelegare å gjera politiske prioriteringar på tvers av oppgåver og tenester, og det kan gje mindre gjennomslagskraft og svekkja demokratisk styring og kontroll. Samnanger kommune sluttar seg utvalet si vurdering av at faste, langsiktige samarbeid med faste partnerar kan gjera det enklare og betre å samarbeida, og sluttar seg til utvalet si vurdering av at ein samarbeidsmodell særleg tilpassa slike samarbeid også bør vera lovheimla.

Samnanger kommune vil også understreka viktigheita av tilstrekkelege og føreseielege økonomiske rammer, i form av frie inntekter, for ivaretaking av generalistkommunesystemet. Både eit rettvisst inntektssystem tilpassa kommunestorleiken og kompensasjon for naturressursar som vert avsett til storsamfunnet, er viktig for dette.

Rådmannen sitt framlegg til vedtak:

Saka blir lagt fram utan tilråding frå rådmannen.

SAKNR. 053/2023: Avtale om administrativ vertskommunesamarbeid mellom Bjørnafjorden kommune og Samnanger kommune om interkommunal legevakt og legevaktsentral

31.08.2023 Formannskapet:

Handsaming i møtet:

legevakt på Moberg, sett fram av Odd Arne Haga (Framstegspartiet):

Samnanger kommune vil fortsette samarbeidet med Bjørnafjorden kommune da dette har fungert svært bra. Det er ingen kø ved legevakten på Moberg/Os i forhold til legevakter i Bergen. Der kan pasienter oppleve flere times kø for å få relevant behandling. Vi vil henstille til at det er Moberg/Os som skal være primær legevakt for Samnanger kommune. I samarbeidsavtalen henviser Bjørnafjorden kommune til følgende: «Legevaktordninga med Bjørnafjorden vil bli om lag som tidlegare, men med nokre endringar. Hovudendringa er at Samnanger i hovudsak vil tilhøyra legevakta i Eikelandsosen. Uttrykkingar på raud respons vil i hovudsak bli køyrt frå Eikelandsosen, dersom det ikkje er formålstjenlig å rykka ut frå Moberg/Os. Legevakta i Eikelandsosen vil ha ope nokre timar på kveld og helg (kjernetid), der ein får eit tidspunkt for å komma til Eikelandsosen. Dersom ein bur nærmare Os, skal ein få moglegheit for time på Moberg. Legevakttelefonen vil gå til Moberg uansett tidspunkt. Dette inneber at vurderinga av om ein skal komma til Os, eller i kjernetida Eikelandsosen, vil bli tatt under samtalen med legevakta. Dette inneber at konsultasjonar i kjernetida og raud respons i hovudsak vil bli ivareteke av legevakta i Eikelandsosen. Utanom kjernetida og raud respons er det Moberg som vil vera den fysiske legevakta».

Endringen i forslaget er at i teksten: «Hovudendringa er at Samnanger i hovudsak vil tilhøyra legevakta i Eikelandsosen» byttes ut med: «Hovudendringa er at Samnanger i hovudsak vil tilhøyra legevakta i Moberg/Os». Grunnen til endringen er at på Moberg/Os, er det fast stasjonert ambulanse på legevaktstasjonen og at det er helikopterlandingsplass. I tillegg er det svært rask veiforbindelse fra Moberg/Os til nærmeste sykehus i Bergen.

Legevakt i Eikelandsosen vil da bli sekundær legevaktstasjon for Samnanger kommune i tråd med forslaget. Grunnen er at Samnanger trenger primært en døgnåpen legevaktstasjon, for å dekke 24/7 behovet i Samnanger kommune.

Tilleggspunkt, sett fram av Øyvind Strømmen (Miljøpartiet Dei Grøne):

Samnanger kommunestyre ber rådmannen halda fram arbeidet med å etablera eit legevaktsamarbeid i retning Bergen.

Handsaming:

Øyvind Strømmen (MDG) sette fram framlegg til eit tilleggspunkt til rådmannen sitt framlegg.

Odd Arne Haga (Frp) sette fram eit tilleggsframlegg.

Det vart gjennomført røysting over rådmannen sitt framlegg, inkludert Øyvind Strømmen sitt framlegg til tilleggspunkt. Samrøystes vedteke.

Det vart ikkje røysta over tilleggsframlegget til Odd Arne Haga. Formannskapet bad om at administrasjonen til kommunestyremøtet 14.09.2023 prøver å undersøkje med Bjørnafjorden kommune vedkomande den endringa som Odd Arne Haga foreslo i framlegget sitt (om at Moberg skal vera primær legevakt for Samnanger kommune). Formannskapet bad òg administrasjonen om å finna statistikk for kor mange av legevaktspasientane som blir sendt vidare til sjukehus.

FORM- 053/2023 Vedtak:

Samnanger kommune sluttar seg til avtale om administrativt vertskommunesamarbeid mellom Bjørnafjorden kommune og Samnanger kommune om interkommunal legevakt og legevaktsentral.

Vertkommunesamarbeidet er heimla etter vertskommunemodellen i kommunelova (LOV-2018-06-22-83) § 20-1 flg., irekna § 20-2 administrativt vertskommunesamarbeid og § 20-4 samarbeidsavtale.

Med heimel i kommunelova § 20-2 instruerer kommunestyret rådmannen om å delegera lovheimla oppgåver knytt til tenesteyting av legevakt og legevaktsentral til kommunedirektøren i Bjørnafjorden kommune, innanfor ramma av samarbeidsavtalen.

Samnanger kommunestyre ber rådmannen halda fram arbeidet med å etablera eit legevaktsamarbeid i retning Bergen.

Rådmannen sitt framlegg til vedtak:

Samnanger kommune sluttar seg til avtale om administrativt vertskommunesamarbeid mellom Bjørnafjorden kommune og Samnanger kommune om interkommunal legevakt og legevaktsentral. Vertkommunesamarbeidet er heimla etter vertskommunemodellen i kommunelova (LOV-2018-06-22-83) § 20-1 flg., irekna § 20-2 administrativt vertskommunesamarbeid og § 20-4 samarbeidsavtale. Med heimel i kommunelova § 20-2 instruerer kommunestyret rådmannen om å delegera lovheimla oppgåver knytt til tenesteyting av legevakt og legevaktsentral til kommunedirektøren i Bjørnafjorden kommune, innanfor ramma av samarbeidsavtalen.

SAKNR. 054/2023: Søknad om økonomisk støtte til N.K.S. Veiledningssenter Vest

31.08.2023 Formannskapet:

Handsaming i møtet:

Framlegget til rådmannen vart samrøystes vedteke.

FORM- 054/2023 Vedtak:

Søknaden frå Norske Kvinners Sanitetsforening (N.K.S.) om økonomisk støtte til Veiledningssenter Vest blir ikkje innvilga.

Kommunestyret ber rådmannen leggja fram ei sak om retningslinjer for kommunal økonomisk støtte til landsdekkande eller regionale ideelle organisasjonar som tilbyr tenester som kan vera eit supplement til kommunen sitt tenestetilbod.

Rådmannen sitt framlegg til vedtak:

Søknaden frå Norske Kvinners Sanitetsforening (N.K.S.) om økonomisk støtte til Veiledningssenter Vest blir ikkje innvilga.

Kommunestyret ber rådmannen leggja fram ei sak om retningslinjer for kommunal økonomisk støtte til landsdekkande eller regionale ideelle organisasjonar som tilbyr tenester som kan vera eit supplement til kommunen sitt tenestetilbod.

SAKNR. 055/2023: Tilslutning av nye deltakarkommunar til Bergen og Omland Friluftsråd

31.08.2023 Formannskapet:

Handsaming i møtet:

Framlegget til rådmannen vart samrøystes vedteke.

FORM- 055/2023 Vedtak:

Kommunestyret i Samnanger kommune gir med dette si tilslutning til at kommunane Fedje, Gulen, Masfjorden og Modalen blir nye deltakarar i Bergen og Omland Friluftsråd Kommunale Oppgavefellesskap med verknad frå 01.01.2024. Dei nye deltakarkommunane sitt ansvar og forpliktingar følgjer av samarbeidsavtalen og lov om kommunar og fylkeskommunar (LOV-2018-06-22-83) frå 01.01.2020 «kommuneloven»).

Rådmannen sitt framlegg til vedtak:

Kommunestyret i Samnanger kommune gir med dette si tilslutning til at kommunane Fedje, Gulen, Masfjorden og Modalen blir nye deltakarar i Bergen og Omland Friluftsråd Kommunale Oppgavefellesskap med verknad frå 01.01.2024. Dei nye deltakarkommunane sitt ansvar og forpliktingar følgjer av samarbeidsavtalen og lov om kommunar og fylkeskommunar (LOV-2018-06-22-83) frå 01.01.2020 «kommuneloven»).

SAKNR. 056/2023: Søknad frå Lønnebakken Grendelag om ekstra midlar til asfaltering av multibane

Ugild:	I staden møtte:	Merknad:
Knut Harald Frøland, BI	,	

31.08.2023 Formannskapet:

Handsaming i møtet:

Knut Harald Frøland (BI) bad om å få gildskapen sin vurdert. Han er bror til leiaren i Lønnebakken Grendelag, som har søkt kommunen om midlar til asfaltering av multibane. Knut Harald Frøland gjekk frå medan formannskapet vurderte gildskapen hans. Øyvind Røen gjekk inn som ordførar (møteleiar). Knut Harald Frøland vart samrøystes funnen ugild og deltok ikkje i den vidare handsaminga av saka.

Rådmannen sitt framlegg vart samrøystes vedteke.

FORM- 056/2023 Vedtak:

Søknaden frå Lønnebakken Grendelag om tilskot på 15 000 kroner til å dekkja uføresette utgifter til asfaltering av multibane ved Lønnebakken aktivitetsplass, blir innvilga.

Tilskotet blir finansiert med midlar frå fondet «Lavterskel aktivitet for born og unge».

Rådmannen sitt framlegg til vedtak:

Søknaden frå Lønnebakken Grendelag om tilskot på 15 000 kroner til å dekkja uføresette utgifter til asfaltering av multibane ved Lønnebakken aktivitetsplass, blir innvilga.

Tilskotet blir finansiert med midlar frå fondet «Lavterskel aktivitet for born og unge».

SAKNR. 057/2023: Offentleg ettersyn av detaljregulering for Aldalen akvakulturanlegg i Lønningdal

31.08.2023 Formannskapet:

Handsaming i møtet:

Offentleg ettersyn av detaljregulering for Aldalen akvakulturanlegg i Lønningdal, sett fram av Knut Harald Frøland (Bygdalista):

Samnanger kommune viser til detaljreguleringsplan for Aldalen akvakulturanlegg i Lønningdal, lagt ut til offentlig ettersyn med frist 4. september 2023. Samnanger kommune har følgande merknader til saka:

1. Samnanger kommune vil peika på Havforskningsinstituttet i ei årrekkje har berekna dødelegheit på smoltutvandring i Samnangerfjorden til høge nivå. Me vil også peika på at Samnangerfjorden er ein terskelfjord, som frå naturen si side har lite utskifting av vassmassar i nedre lag, og dermed er sårbar for høge nitrogennivå. Samnanger kommune er opptekne av at fjordsystemet og naturmangfaldet sine tolegrenser ikkje må overskridast, og av å ivareta både miljøet i sjøen og villfiskstammene. Fjordsystemet vårt er allereie sterkt påverka av dagens akvakulturnæring. Dette taler for stor grad av varsemd, ikkje berre ved auka biomasse, men også ved auka arealbruk.
2. Samnanger kommune registrerer at det vert lagt opp til eit betydeleg utviding av areal for akvakultur, og meiner dette bidreg til uforholdsmessig sterkt arealpress. Reguleringsføremål akvakultur bør ikkje beslaglegga eit større areal enn det som er naudsynt for sjølve anlegget og sikringssona rundt. Ei arealutviding av denne typen burde dessutan, om ho faktisk skal gjerast, gjerast i samband med rullering av kommuneplan; dette for å sikra at heilskaplege vurderingar vert lagt til grunn.
3. Lokaliteten Aldalen ligg plassert i den einaste utvandringsruta for laksesmolt frå tre vassdrag med kjente laksebestandar, Lønningdalselva, Hopselva og Tysseelva. Samnanger kommune peiker på at konsekvensutgreiinga for akvatisk naturmangfald peiker på at negative verknader for alle tre, i tillegg til negative verknader for forflytningskorridor for kysttorsk og for anadrom fisk. Samnanger kommune vil uttrykkja sterkt uro knytt til dette.
4. I samband med planprogram for kommunedelplan for akvakultur i sjø vedtok Samnanger kommune følgjande målsetting den 25. februar 2021:
«Fjordsystemet og naturmangfaldet sine tålegrenser skal ikkje overskridast og det skal vere eit produksjonsmessig overskot av ville lakse- og sjørretstammer i dei elver i Samnanger som har dette. Akvakulturplanen skal foreslå tiltak som støttar opp under denne målsettinga. Samnanger kommune ynskjer å betre ivareta både miljøet i sjøen og våre villfiskstammer i kommunen sin fjord og sjø. Vi vil ha ein nullutsleppsvisjon for forureining av kjemikalier/medisinsk utslepp og skadeleg slam i kommunen sin fjord.»

Samnanger kommune vurderer detaljreguleringsplan for Aldalen akvakulturanlegg i Lønningdal til å ikkje vere i samsvar med vår målsetting for fjordsystemet.

FRP's forslag, sett fram av Odd Arne Haga (Framstegspartiet):

FRP vil godkjenne forslaget til endring av reguleringsplan, men ber om at anlegget blir oppgradert til et lukket annlegg.

Handsaming:

Knut Harald Frøland (BI) sette fram framlegg til vedtak. Han orienterte om at dette var eit fellesframlegg frå han og Øyvind Strømmen (MDG).

Odd Arne Haga (Frp) sette fram framlegg til vedtak.

Det vart først røysta over framlegget til Odd Arne Haga. 1 røysta for og 8 røysta imot dette framlegget. Odd Arne Haga røysta for framlegget.

Det vart så røysta over framlegget til Knut Harald Frøland og Øyvind Strømmen. 6 røysta for og 3 røysta imot framlegget.

For	Imot
Knut Harald Frøland (BI)	Lena Tveit (BI)
Anja Elisabeth Gjerde Markhus (BI)	Odd Arne Haga (Frp)
Øyvind Røen (Sp)	Jon Magne Borgevik (Ap)
Gunn Totland Moss (KrF)	
Shirin Kvernes Khadoor (Ap)	
Øyvind Strømmen (MDG)	

Etter røystinga gav formannskapet administrasjonen fullmakt til å retta skrivefeil før vedtaket blir sendt til Bjørnafjorden kommune.

FORM- 057/2023 Vedtak:

Samnanger kommune viser til detaljreguleringsplan for Aldalen akvakulturanlegg i Lønningdal, lagt ut til offentlig ettersyn med frist 4. september 2023. Samnanger kommune har følgande merknader til saka:

1. Samnanger kommune vil peika på at Havforskningsinstituttet i ei årrekkje har berekna dødelegheit på smoltutvandring i Samnangerfjorden til høge nivå. Me vil også peika på at Samnangerfjorden er ein terskelfjord, som frå naturen si side har lite utskifting av vassmassar i nedre lag, og dermed er sårbar for høge nitrogennivå. Samnanger kommune er oppteken av at fjordsystemet og naturmangfaldet sine tolegrensar ikkje må overskridast, og av å ivareta både miljøet i sjøen og villfiskstammene. Fjordsystemet vårt er allereie sterkt påverka av dagens akvakulturnæring. Dette taler for stor grad av varsemd, ikkje berre ved auka biomasse, men også ved auka arealbruk.

2. Samnanger kommune registrerer at det vert lagt opp til ei betydeleg utviding av areal for akvakultur, og meiner dette bidreg til uforholdsmessig sterkt arealpress. Reguleringsføremål akvakultur bør ikkje beslaglegga eit større areal enn det som er naudsynt for sjølve anlegget og sikringssona rundt. Ei arealutviding av denne typen burde dessutan, om ho faktisk skal gjerast, gjerast i samband med rullering av kommuneplan; dette for å sikra at heilskaplege vurderingar vert lagt til grunn.

3. Lokaliteten Aldalen ligg plassert i den einaste utvandringsruta for laksesmolt frå tre vassdrag med kjente laksebestandar, Lønningdalselva, Hopselva og Tysseelva. Samnanger kommune peiker på at konsekvensutgreiinga for akvatisk naturmangfald peiker på negative verknader for alle tre, i tillegg til negative verknader for forflytningskorridor for kysttorsk og for anadrom fisk. Samnanger kommune vil uttrykkja sterk uro knytt til dette.

4. I samband med planprogram for kommunedelplan for akvakultur i sjø vedtok Samnanger kommune følgjande målsetting den 25. februar 2021:
«Fjordsystemet og naturmangfaldet sine tålegrensar skal ikkje overskridast og det skal vere eit produksjonsmessig overskot av ville lakse- og sjøørretstammer i dei elver i Samnanger som har dette. Akvakulturplanen skal foreslå tiltak som støttar opp under denne målsettinga. Samnanger kommune ynskjer å betre ivareta både miljøet i sjøen og våre villfiskstammer i kommunen sin fjord og sjø. Vi vil ha ein nullutsleppsvisjon for forureining av kjemikalier/medisinsk utslepp og skadeleg slam i kommunen sin fjord.»

Samnanger kommune vurderer detaljreguleringsplan for Aldalen akvakulturanlegg i Lønningdal til å

ikkje vera i samsvar med vår målsetting for fjordsystemet.

Rådmannen sitt framlegg til vedtak:

Saka blir lagt fram utan tilråding frå rådmannen.

SAKNR. 2023D03: Presentasjonar frå møtet

31.08.2023 Formannskapet:

Handsaming i møtet:

Oversikt over presentasjonar i møtet:

- KVV E134 Arm til Bergen – Morten Ask, Statens vegvesen
- KVV E134 Arm til Bergen – Matti Torgersen, Vestland fylkeskommune
- Fv. 49 Steinsdalen – Eikedalen – Wilhelm Lund, Vestland fylkeskommune
- E134 Haukelivegen – Pål Kårbø, E134 Haukelivegen AS
- Strategisk næringsplan – Næringsutviklar Joachim Mathisen

FORM- 2023D03 Vedtak:

Dette er ei informasjonssak utan vedtak.